

四庫全書

集部

欽定四庫全書

御定全唐詩卷七百九十

聯句

裴度

春池泛舟聯句

此首又見劉禹錫張籍集

度

劉禹錫

崔羣

字敦詩清河人元和  
中戶部侍郎同平章

事

賈餗

河南人太和  
中中書侍郎同平章事

張籍

鳳池新雨後池上好風光

禹錫上  
相公

取酒愁春盡留賓喜

日長

度送戶部

柳絲迎畫舸水鏡寫雕梁

羣送賈院長

潭洞迷仙

府煙霞認醉鄉

餽送張司業

鶯聲隨笑語竹色入壺觴

籍送主客

晚景含澄澈時芳得豔陽

禹錫

飛鳧拂輕浪綠柳暗迴

塘

度

逸韻追安石高居勝辟疆

羣

杯停新令舉詩動絲

牋忙

餽

顧謂同來客歡遊不可忘

籍

西池落泉聯句

以下三首又見劉禹錫白居易張籍集

度 行式

失姓

張籍

白居易

劉禹

錫

東閣聽泉落能令野興多 行式 散時猶帶沫淙處即跳

波 度 偏洗磷磷石還驚泛泛鵝 籍 色清塵不染光白月

相和 居易 噴雪縈松竹攢珠濺芰荷 禹錫 對吟時合響

觸樹更搖柯 籍 照圃紅分藥侵階綠浸莎 居易 日斜車

馬散餘韻逐鳴珂 禹錫

首夏猶清和聯句

度 白居易 劉禹錫 行式 張籍

記得謝家詩清和即此時 居易 餘花數種在密葉幾重

垂度芳謝人人惜陰成處處宜禹錫水萍爭點綴梁燕

共追隨行式亂蝶憐疎藥殘鶯戀好枝籍草香殊未歇

雲勢漸多奇居易單服初寧體新篁已出籬度與春為

別近覺日轉行遲禹錫繞樹風光少侵階苔蘚滋行式

惟思奉歡樂長得在西池籍

薔薇花聯句

度 劉禹錫 行式 白居易 張籍

似錦如霞色連春接夏開禹錫波紅分影入風好帶香

來度 得地依東閣當階奉上台行式 淺深皆有態次第

暗相催禹錫 滿地愁英落緣堤惜擢迴度 芳濃濡雨露

明麗隔塵埃行式 似著臙脂染如經巧婦裁居易 柰花

無別計只有酒殘杯籍

喜遇劉二十八偶書兩韻聯句以下四首又見劉禹錫白居易

集

度 劉禹錫 白居易 李紳

病來佳興少老去舊遊稀笑語縱橫作杯觴絡繹飛度

清談如水玉逸韻貫珠璣高位當金鉉虛懷似布衣

錫禹

已容狂取樂仍任醉忘機捨眷將何適留歡便是歸

居錫

鳳儀常欲附蚊力自知微願假尊壘末膺門自此依

紳

劉二十八自汝赴左馮塗經洛中相見聯句

度 白居易 李紳 劉禹錫

不歸丹掖去銅竹漫云云唯喜因過我須知未賀君

度

詩聞安石詠香見令公熏欲首函闕路來披緱嶺雲

居錫

貂蟬公獨步鴛鴦我同羣插羽先飛酒交鋒便戰文

紳

鎮嵩知表德定鼎為銘勳顧鄙容商洛徵歡候汝墳

禹錫

頻年多謔浪此夕任喧紛故態猶應在行期未要聞

度

遊藩榮已久捧袂惜將分詎厭杯行疾唯愁日向曛

居易

窮陰初莽蒼離思漸氤氳殘雪午橋岸斜陽伊水濱

紳

上謨尊右掖全略靜東軍萬頃徒稱量滄溟詎有垠

禹錫

度自到洛中與樂天為文酒之會時時搆詠樂

不可支則慨然共憶夢得而夢得亦分司至止

歡愜可知因為聯句

度 白居易 劉禹錫

成周文酒會吾友勝鄒枚唯憶劉夫子而今又到來度

欲迎先倒屣亦坐便傾杯飲許伯倫右詩推公幹才並

本事居易久曾聆郢唱重喜上燕臺畫話牆陰轉宵歡斗柄

迴禹錫新聲還共聽故態復相哈遇物皆先賞從花半

未開度起時烏帽側散處玉山頽墨客喧東閣文星犯

上台居易詠吟君稱首疎放我為魁憶戴何勞訪時夢

來司而留髡不用猜宴席上老夫暫起樂奉觴承麴藥落

天容坐不動足度

筆捧瓊瑰醉弁無妨側詞鋒不可推

此兩韻美令公也居易

水軒

看翡翠石徑踐莓苔童子能騎竹佳人解詠梅

陪遊南宅之境

禹錫洛中三可矣鄴下七悠哉自向風光急不須弦管催

度樂觀魚踴躍閑愛鶴裴回煙柳青凝黛波萍綠撥醅

居易春榆初改火律管又飛灰紅藥多遲發碧松宜亂

栽

禹錫

馬嘶馳陌上鷁泛鳳城隈色色時堪惜些些病

莫推

度

涸流尋軋軋餘刃轉恢恢從此知心伏無因敢

自媒

禹錫

室隨親客入席許舊寮陪逸興嵇將阮交情

陳與雷

此二句屬夢得也居易

洪爐思哲匠大厦要羣材他日登

龍路應知免曝鰓

禹錫

宴興化池亭送白二十二東歸聯句

此首又見張籍集

度

劉禹錫

白居易

張籍

東洛言歸去西園告別來白頭青眼客池上手中杯

度

離瑟殷勤奏仙舟委曲回征輪今欲動賓閣為誰開

禹錫

坐弄琉璃水行登綠縵堆花低妝照影萍散酒吹醅

居易

岸蔭新抽竹亭香欲變梅隨遊多笑傲遇勝且裛回

籍

澄澈連天鏡，潺湲出地雷。林塘難共賞，鞍馬莫相催。

度

信及魚還樂，機忘鳥不猜。晚晴槐起露，新雨石添苔。

禹錫

擬作雲泥別，尤思頃刻陪。歌停珠貫斷，飲罷玉峰頽。

居易

雖有逍遙志，其如磊落才。會當重入用，此去甯悠哉。

籍

西池送白二十二東歸兼寄令狐相公聯句

此首

又見劉禹錫集

度 劉禹錫 張籍 行式

促坐宴回塘，送君歸洛陽。彼都留上宰，為我說中腸。

度

威鳳池邊別冥鴻天際翔披雲見居守望日拜封章

禹錫

春盡年華少舟通景氣長送行歡共惜寄遠意難忘

籍

東道瞻軒蓋西園醉羽觴謝公深眷眄商皓信輝光

行式

舊德推三友新篇代八行

以下缺

李絳

杏園聯句

以下二首又見劉禹錫白居易集

絳

崔羣

白居易

劉禹錫

杏園千樹欲隨風一醉同人此暫同

羣上空

老態忽忘緣

管裏衰顏宜解酒杯中

絳上白

十二曲江日暮殘紅在翰苑

年深舊事空

居易上  
主客

二十四年流落者故人相引到花

叢

禹錫

花下醉中聯句

絳

劉禹錫

白居易

庾承宣

楊嗣

復

共醉風光地花飛落酒杯

絳送劉

二十八殘春猶可賞晚景莫

相催

禹錫送  
白侍郎

酒幸年年有花應歲歲開

居易送  
部相公

且當

金韻擲莫遣玉山頽

絳送庾閣長

高會彌堪惜良時不易陪

承宣送

誰能拉花住爭換得春回

禹錫送吏部

我輩尋常有

佳人早晚來

嗣復送白侍郎

寄言三相府欲散且裴回

居易時戶部相

會公同

劉禹錫

樂天是月長齋鄙夫此時愁卧里閭非遠雲霧

難披因以寄懷遂為聯句所期解悶焉敢驚禪

禹錫 白居易

五月長齋月文心苦行心蘭蔥不入戶蒼筤自成林

錫禹

護戒先辭酒嫌喧亦徹琴塵埃賓位靜香火道場深

錫禹

我靜馴狂象餐餘施衆禽定知於佛佞豈復向書淫

錫禹

闌藥凋紅豔庭槐換綠陰風光徒滿目雲霧未披襟

錫禹

樹為清涼倚池因盥漱臨蘋芳遭燕拂蓮圻待蠶尋

錫禹

舍下環流水窗中列遠岑苔斑錢剝落石怪玉嶽岑

錫禹

鵲頂迎秋禿鶯喉入夏瘖綠楊垂嫩色縱棘露長鍼

錫禹

散秩身猶幸趨朝力不任官將方共拙年與病交侵

錫禹

徇樂非時選忘機似陸沈鑒容稱四皓捫腹有三壬

禹錫

攜手慙連璧同心許斷金紫芝雖繼唱

前後各在賓客

白雪少

知音

居易

憶罷吳門守相逢楚水潯舟中頻曲宴夜後

各加斟

禹錫

濁酒銷殘漏弦聲間遠砧酡顏舞長袖密

坐接華簪

居易

持論峰巒峻戰文矛戟森笑言誠莫逆

造次必相箴

禹錫

往事應如昨餘歡迄至今迎君常倒

屣訪我輒攜衾

居易

陰魄初離畢

時有雨候

陽光正在參

五月

節待公休一食縱飲共狂吟

禹錫

白居易

秋霖即事聯句三十韻

以下三首又見  
劉禹錫王起集

居易 王起 劉禹錫

蕭索窮秋月蒼茫苦雨天泄雲生棟上行潦入庭前

居易

送上  
僕射

苔色侵三徑波聲想五弦井蛙爭入戶轍鮒亂歸

泉

起送上  
丞大監

高雷愁晨坐空階警夜眠鶴鳴猶未已蟻穴

亦頻遷

禹錫送上  
少傅侍郎

散漫疎還密空濛斷復連竹霑青玉

潤荷滴白珠圓

居易

地溼灰蛾滅池添水馬憐有苗霑

霖霖無月弄潺湲

起

籬菊潛開秀園蔬已罷鮮斷行隨

雁翅孤嘯聳鳶肩

禹錫

橋柱黏黃菌牆衣點綠錢草荒

行藥路沙泛釣魚船

居易

長者車猶阻高人榻且懸

此思

劉白之來也

金烏何日見玉爵幾時傳

起

近井桐先落當簷

石欲穿趨風誠有戀披霧邈無緣

禹錫以荅懸榻之召

廩米陳生

醜庖薪溼起煙鳴鷄潛報曉急景暗彫年

居易

蓋灑高

松上絲繁細柳邊拂叢時起蝶隨葉乍驚蟬

起

巾角皆

爭墊羣裾別似前人多蒙翠被馬盡著連乾

禹錫

好客

無來者貧家但悄然溼泥印鶴迹漏壁絡蝸涎

居易

蚊

聚雷侵室鷗翻浪滿川上樓愁暮暮繞舍厭濺濺

起

律

候今秋矣歡娛久曠焉但令高興在晴後奉周旋

禹錫

喜晴聯句

居易 王起 劉禹錫

苦雨晴何喜喜於未雨時氣收雲物變聲樂鳥鳥知

居易

送上 蕙泛光風圃蘭開皎月池千峰分遠近九陌好追

僕射

隨起送上 白日開天路玄陰卷地維餘清在林薄新照

尚書

入漣漪

禹錫

碧樹涼先落青蕪溼更滋曬毛經浴鶴曳

尾出泥龜

居易

舞去商羊速飛來野馬遲柱邊無潤礎

臺上有游絲

起

橋淨行塵息堤長禁柳垂宮城開睥睨

觀闕麗采鷲

禹錫

洛水澄清鎮嵩煙展翠帷梁成虹乍

見市散蚤初移

居易

藉草風猶暖攀條露已晞屋穿添

碧瓦牆缺召金鉞

起

迴徹來雙目昏煩去四支霞文晚

煥爛星影夕參差

禹錫

爽助門庭肅寒摧草木衰黃乾

何陽菊紅洗得霜梨

居易

假蓋閑誰惜彈弦燥更悲散

蹄良馬穩炙背野人宜起洞戶晨暉入空庭宿霧披推

林出書目傾筇上衣櫛禹錫道路行非阻軒車望可期

無辭訪圭竇且願見瓊枝居易山閣蓬萊客古以秘書

儲宮羽翼師此言少傳每優陪麗句何暇覲英姿起以酬圭

翫景方搔首懷人尚斂眉因吟仲文什高興盡於斯高錫

### 會昌春連宴即事

居易 劉禹錫 王起

元年寒食日上已暮春天雞黍三家會鶯花二節連居易

光風初澹蕩美景漸暄妍簪組蘭亭上車輿曲水邊

錫禹

松聲添奏樂草色助鋪筵雀舫宜閑泛螺杯任漫傳

起

園蔬香帶露厨柳暗藏煙麗句輕珠玉清談勝管絃

居易

陌喧金距鬪樹動綵繩懸姹女妝梳豔遊童衣服鮮

錫禹

圃香知種蕙池暖憶開蓮怪石雲疑觸天桃火欲然

起

正歡唯恐散雖醉未思眠嘯傲人間世追隨地上僊

居易

燕來雙澁澁雁去累翩翩行樂真吾事尋芳獨我先

錫禹

滯周慙太史

太史公留滯周南今榮泰慙古人矣

入洛繼先賢

此言劉白聲價與二

陸爭長矣

昔恨多分手今歡謬比肩

起

病猶陪燕飲老更奉

周旋望重青雲客情深白首年

居易

徧嘗珍饌後許入

畫堂前舞袖翻紅炬歌鬟插寶蟬

禹錫

斷金多感激倚

玉貴遷延說史吞顏注論詩笑鄭箋

起

松筠寒不變膠

漆冷彌堅興伴王尋戴

謂隨僕射過尚書也

榮同隗在燕

居易

擲

盧誇使氣刻燭鬪成篇實藝皆三捷虛名媿六聯

禹錫

興闌猶舉白話靜每思玄更說歸時好亭亭月正圓

起

僕射來示有三春向晚四者難并之說誠哉是

言輒引起題重為聯句疲兵再戰勅敵難降下  
筆之時輒然自哂走呈僕射兼簡尚書

此首又見劉禹

錫集

居易 王起 劉禹錫

三春今向晚四者昔難并借問低眉坐何如攜手行

居易

舊遊多過隙新宴且尋盟鸚鵡林須樂麒麟閣未成

起

分陰當愛惜遲景好逢迎林野熏風起樓臺穀雨晴

禹錫

牆低山半出池廣水初平橋轉長虹曲舟回小鷁輕

居易

殘花猶布繡密竹自聞笙欲過芳菲節難忘宴慰情

起

月輪行似箭時物始如傾見雁隨兄去聽鶯求友聲

禹錫

蕙長書帶展菰嫩剪刀生坐密衣裳暖堂虛綠管清

居易

峰巒侵碧落草木近朱明與點非沂水陪膺是洛城

白為

三川守故云起

撥醕爭綠醕卧酪待朱櫻幾處能留客何人喚

解醒

禹錫

舊儀尊右揆新命寵春卿有喜鵲頻語無機

鷗不驚

居易

青林思小隱白雪仰芳名訪舊殊千里登

高賴九城

起

鄴侯司管鑰疏傳傲簪纓綸綍曾同掌煙

霄即上征

禹錫

冊庭嘗接武書殿忝連衡  
蘭室春彌馥

松心晚更貞

居易

琴招翠羽下鉤掣紫鱗呈  
只願回烏

景誰能避兕觥

起

方知醉兀兀應是走營營  
鳳閣鸞臺

路從他年少爭

居易更呈二公

御定全唐詩卷七百九十

欽定四庫全書

御定全唐詩卷七百九十一

聯句

韓愈

城南聯句

此首又見  
張籍集

愈 孟郊

竹影金瑣碎

郊

泉音玉淙琤  
琉璃剪木葉

愈

翡翠開園

英流滑隨仄步

郊

搜尋得深行  
遙岑出寸碧

愈

遠日增

雙明乾穉紛挂地郊化蟲枯揭莖木腐或垂耳愈草珠

競駢睛浮虛有新斲郊摧抗饒孤撐囚飛黏網動愈盜

卓接彈驚脫實自開坼郊牽柔誰繞縈禮鼠拱而立愈

駭一作駭牛躅且鳴蔬甲喜臨社郊田毛樂寬征露螢不

自暖愈凍蝶尚思輕宿羽有先曉郊食鱗時半橫菱翻

紫角利愈荷折碧圓傾楚膩鱸鮪亂郊撩羞羸蟹并桑

蝮見虛指愈穴狸聞鬪獍逗翳翅相築郊擺幽尾交榜

蔓涎角出縮愈樹啄頭敲鏗修箭裏金餌郊羣鮮沸池

羹岸殺圻玄兆愈野蕤漸豐萌窩煙幕疏島郊沙篆印

迴平痒肌遭蚝刺愈啾耳聞雞生竒慮恣迴轉郊遐睎

縱逢迎顛林戢遠隄愈縹氣夷空情歸跡歸不得郊捨

心捨還爭靈麻撮狗蝨愈村穉啼禽猩紅皺曬檐瓦郊

黃團繫門衡得雋蠅虎健愈相殘雀豹趨束枯樵指禿

郊刈熟擔肩賴澀旋皮卷鸞愈苦開腹彭亨機春潺爔

力郊吹簸飄飄精賽饌木盤簇愈鞞妖藤索緝荒學五

六卷郊古藏四三瑩里儒拳足拜愈土怪閃眸偵蹄道

補復破

郊

絲窠掃還成暮堂蝙蝠沸

愈

破竈伊威盈迨

此訊前主

郊

荅云皆冢卿敗壁剝寒月

愈

折筮嘯遺笙

桂熏霏霏在

郊

綦跡微微呈劔石猶竦檻

愈

獸材尚擘

楹寶唾拾未盡

郊

玉啼墮猶鎗窗綃疑闕豔

愈

妝燭已

銷繁綠髮抽珉甃

郊

青膚聳瑤楨白蛾飛舞地

愈

幽蠹

落書棚惟昔集嘉詠

郊

吐芳類鳴嚶窺竒摘海異

愈

恣

韻激天鯨腸胃繞萬象

郊

精神驅五兵蜀雄李杜拔

愈

嶽力雷車轟大向幹玄造

郊

高言軋霄崢芒端轉寒燠

愈神助溢杯觥巨細各乘運愈湍濶亦騰聲凌花咀粉

藥

郊

削縷穿珠櫻綺語洗晴雪

愈

嬌辭哢雛鶯酣歡雜

弁珥

郊

繁價流金瓊齒寫江調

郊

姜蕤綴藍瑛庖霜

膾玄鯽

愈

浙玉炊香梗朝饌已百態

郊

春醪又千名哀

飽臆駛景

愈

冽唱凝餘晶解魄不自主

郊

痺肌坐空瞪

扳援賤蹊絕

愈

炫曜仙選更藜巧競采笑

郊

駢鮮互探

嬰桑變忽蕪蔓

愈

樟裁浪登丁霞鬪詎能極

郊

風期誰

復賡臯區扶帝壤

愈

環蘊郁天京祥色被文彥

郊

良才

插杉檉隱伏饒氣象

愈

興潛示堆坑擘華露神物

郊

擁

終儲地禎訐謨壯締始

愈

輔弼登階清全秀恣填塞

郊

呀靈瀆渟澄益大聯漢魏

愈

肇初邁周羸積照涵德鏡

郊傳經儷金羸食家行鼎鼎

愈

寵族飲弓旌奕制盡從

賜

郊

殊私得逾程飛橋上架漢

愈

繚岸俯規瀛瀟碧遠

輸委

郊

湖嵌費攜擎荀首從大漠

愈

楓櫛至南荆嘉植

鮮危朽

郊

膏理易滋榮懸長巧紐翠

愈

象曲善攢珩魚

口星浮沒

郊

馬毛錦斑駢五方亂風土

愈

百種分鉏耕

葩葉相妬出

郊

菲茸共舒晴類招臻侗詭

愈

翼萃伏衿

纓危望跨飛動

郊

冥升躡登閔春游樂霍靡

愈

彩伴颺

嫫媿遺燦飄的爍

郊

淑顏洞精誠嬌應如在寤

愈

顏意

若含醜鵠毳翔衣帶

郊

鵠肪截佩璜文升相照灼

愈

武

勝屠攬槍割錦不酬價

郊

構雲有高營通波物鱗介

愈

疏畹富蕭蘅買養馴孔翠

郊

遠苞樹蕉併鴻頭排刺芡

愈

鵠鷓攢瓊橙鶩廣雜良牧

郊

蒙休賴先盟罷旄奉環

衛

愈

守封踐忠貞戰服脫明介

郊

朝冠飄彩紘爵勲逮

僮隸

愈

簪笏自懷繡乳下秀嶷嶷

郊

椒蕃泣喤喤貌鑑

清溢匣

愈

眸光寒發硯館儒養經史

郊

綴戚觴孫甥考

鐘饋殺核

愈

夏鼓侑牢牲飛膳自北下

郊

函珍極東烹

如瓜煮大卵

愈

比線茹芳菁海嶽錯口腹

郊

趙燕錫媼

姪一笑釋仇恨

愈

百金交弟兄貨至貊戎市

郊

呼傳鸚

鶴令順居無兔瞰

愈

抑橫免官評殺候肆凌剪

郊

籠原

市置紉羽空顛雉鷄

愈

血路迸狐麋折足去蹉跎

郊

麩

髻怒鬢鬟躍犬疾翥鳥

愈

呀鷹甚飢蠶算蹄記功賞

郊

裂腦擒控張猛斃牛馬樂

愈

妖殘梟鵠惇窟窮尚嗔視

郊

箭出方驚抨連箱載已實

愈

礙轍棄仍羸喘覷鋒刃

點

郊

困衝株柝盲埽淨豁曠曠

愈

騁遙略莘莘饒扞飽

活鬻

郊

惡嚼嘔腥鯖歲律及郊至

愈

古音命韶韻旗旆

流日月

郊

帳廬扶棟薨磊落奠鴻璧

愈

參差席香蓂玄

祗祉兆姓

郊

黑拒饒豐盛慶流蠲瘥癘

愈

威暢捐輶軻

靈燔望高岡

郊

龍駕聞敲鼙是惟禮之盛

愈

永用表其

宏德孕厚生植

郊

恩熙完別剝宅土盡華族

愈

連田間

強叱蔭庾森嶺檜

郊

咏場翱翔鵬畦肥翦韭齏

愈

陶固

収盆甃利養積餘健

郊

孝思事巖祊掘雲破喘噪

愈

采

月漉均泓寺砌上明鏡

郊

僧孟敲曉鈿泥象對騁怪

愈

鐵鐘孤舂鋳癭頸鬧鳩

郊

蛭垣亂蚌蝶甚黑老蠶蠋

愈

麥黃韻鷓鷯韶曙遲勝賞

郊

賢明戒先庚馳門填福

仄

愈

競墅碾砵碎碎纈紅滿杏

郊

稠凝碧浮錫感繩覲

娥婺

愈

鬪草擷璣理粉汗澤廣額

郊

金星墮連瓔鼻偷

困淑郁

愈

眼剽強盯暈是節飽顏色

郊

茲彊稱都城書

饒罄魚繭

愈

紀盛播琴箏矣必事遠覲

郊

無端遂羈僮

將身親魍魅

愈

浮跡侶鷗鶻腥味空真屈

郊

天年徒羨

彭驚魂見蛇蚓

愈

觸黷值蝦蟇幸得履中氣

郊

忝從拂

天振歸私暫休暇

愈

驅明出庠黌鮮意竦輕暢

郊

連輝

照瓊瑩陶暄逐風乙

愈

躍視舞晴蜻足勝自多詣

郊

心

貪敵無勅始知樂名教

愈

何用苦拘擿畢景任詩趣

郊

馬能守磴磴

愈

### 會合聯句

愈 張籍 孟郊 張徹

離別言無期會合意彌重籍病添兒女戀老喪丈夫勇

愈 劔心知未死詩思猶孤聳郊愁去劇箭飛歡來若泉

涌徹析言多新貫攄抱無昔壅籍念難須勤追悔易勿

輕踵愈吟巴山犖嶸音說楚波堆壘郊馬辭虎豹怒舟

出蛟鼉恐徹狂鯨時孤軒幽狄雜百種愈瘴衣常腥膩

蠻器多踈冗籍剝苔弔斑林角飯餌沈塚愈忽爾銜遠

命歸歎舞新寵郊鬼窟脫幽妖天居覲清拱愈京遊步

方振謫夢意猶怕

籍

詩書誇舊知酒食接新奉

愈

嘉言

寫清越瘡病失龍腫

郊

夏陰偶高庇宵魄接虛擁

愈

雪

絃寂寂聽茗盃纖纖捧

郊

馳輝燭浮螢幽響泄潛蒼

愈

詩老獨何心江疾有餘虺

郊

我家本漚穀有地介臯鞏

休跡憶沈冥峨冠慙闕時

愈

升朝高轡逸振物羣聽悚

徒言濯幽泌誰與薙荒茸

籍

朝紳鬱青綠馬飾曜珪琪

國讐未銷鑠我志蕩邛龍

郊

君才誠侗儻時論方洵溶

音

格言多彪蔚懸解無楛拳張生得淵源寒色拔山冢

堅如撞羣金眇若抽獨蛹愈伊余何所擬跛鼈詎能踊

塊然墮岳石飄爾胷巢鼇郊龍旆垂天衛雲韶凝禁甬

君胡眠安然朝鼓聲洶洶愈

鬪雞聯句

愈 孟郊

大雞昂然來小雞竦而待愈崢嶸顛盛氣洗刷凝鮮彩

郊高行若矜豪側睨如同殆愈精光目相射劒戟心獨

在郊既取冠為冑復以距為鏃天時得清寒地利挾爽

堦愈磔毛各噤痒怒癭爭礮磊俄膺忽爾低植立瞥而

改郊膈膊戰聲喧續翻落羽雉中休事未決小挫勢益

倍愈妬腸務生敵賊性專相醢裂血失鳴聲啄殷甚飢

餒郊對起何急驚隨旋誠巧給毒手飽李陽神槌困朱

亥愈惻心我以仁碎首爾何罪獨勝事有然旁驚汗流

浼郊知雄欣動顏怯負愁看賄爭觀雲填道助叫波翻

海愈事爪深難解嗔晴時未怠一噴一醒然再接再礪

乃郊頭垂碎丹砂翼搨拖錦綵連軒尚賈餘清厲比歸

凱愈選俊感収毛受恩慙始隗英心甘鬪死義肉耻庖  
宰君省鬪雞篇短韻有可米郊

納涼聯句

愈 孟郊

遞嘯取遙風微微近秋朔郊金柔氣尚低火老候愈濁

愈 熙熙炎光流竦竦高雲擢愈閃紅驚蚰蚪疑赤聳山

嶽目林恐焚燒耳井憶灑灑仰懼失交泰非時結冰雹  
化鄧渴且多奔河誠已慙喝道者誰子叩商者何樂洗

矣得滂沱感然鳴鶯鶯嘉願苟未從前心空緬邈清砌  
千迴坐冷環再三握煩懷却星星高意還卓卓邨龍沈  
劇煮鱗牛喘甚焚角蟬煩鳴轉喝烏噪飢不啄晝蠅食  
案繁宵蚋肌血渥單絺厭已褫長姜倦還捉幸茲得佳  
朋於此蔭華楠青熒文筆施淡澈甘瓜濯大壁曠凝淨  
古畫竒駁犖淒如壯寒門皓若攢玉璞埽寬延鮮飈汲  
冷漬香穉筐實摘林珍盤散饋禽穀空堂喜淹留貧餒  
羞齷齪愈殷勤相勸勉左右加礮斲賈勇發霜刃爭前

曜冰絜微然草根響先被詩情覺感衰悲舊改工異逞  
新貌誰言擯朋老猶自將心學危檐不敢憑朽機懼傾  
撲青雲路難近黃鶴足仍銳未能飲淵泉立滯叫芳葯  
郊與子昔睽離嗟余若屯剝直道敗邪徑拙謀傷巧詆  
炎湖度氛氲熱石行犖砢瘠肌夏尤甚瘧渴秋更數君  
顏不可覲君手無由搦今來沐新恩庶見返鴻扑儒庠  
恣游息聖籍飽商榷危行無低徊正言免咿喔車馬獲  
同驅酒醪欣共軟惟憂棄管蒯敢望侍帷幄此志且何

如希君為追琢愈

秋雨聯句

愈 孟郊

萬木聲號呼百川氣交會郊庭翻樹離合牖變景明藹

愈瀑瀉殊未終飛浮亦云泰郊牽懷到空山屬聽邇驚

瀨愈檐垂白練直渠漲清湘大郊甘津澤祥禾伏潤肥

荒艾愈主人吟有歡客子歌無奈郊侵陽日沈玄剝節

風搜兌愈塊北遊峽喧颼臥江汰郊微飄來枕前高

灑自天外愈 蜚穴何迫迤 蟬枝埽鳴噦郊 援菊茂新芳

徑蘭銷晚馥愈 地鏡時昏曉 池星競漂沛郊 謹叟尋一

聲灌注咽羣籟愈 儒宮煙火溼 市舍煎熬忤郊 臥冷空

避門衣寒屢循帶愈 水怒已倒流 陰繁恐凝害郊 憂魚

思舟楫感禹勤 吠澮愈 懷襄信可畏 疏決須有賴郊 筮

命或馮著卜晴 將問蔡愈 庭商忽驚舞 墉崇亦親酌郊

氛醜稍疎映 穿亂還擁奮 陰旌時摻流 帝鼓鎮旬磔 棗

圃落青瓊瓜 畦爛文具貧 薪不燭竈富 粟空填厓愈 秦

俗動言利魯儒欲何由  
深路倒羸驂弱途擁行軼  
毛羽皆遭凍離襪不能翻  
浪洗虛空頃濤敗藏蓋邠吾人  
猶在陳僮僕誠自鄙因思  
征蜀士未免溼戎旆安得發  
商飈廓然吹宿靄白日懸  
大野幽泥化輕盞戰場暫一  
乾賊肉行可膾愈搜心思有效  
抽策期稱最豈惟慮收獲亦  
以救顛沛邠禽情初嘯儔  
礎色微收需庶幾詣我願  
遂止無已太愈

征蜀聯句

愈 孟郊

日王忿違傲有命事誅拔蜀險豁關防秦師縱橫猾愈

風旗市地揚雷鼓轟天殺竹兵彼彼脆鐵刃我槍礮愈

刑神咤聲旄陰燄颯犀札飀霓紛偃塞塞野頽坱圯愈

生寧競掣跌癡突爭填軋渴鬪信亟叟噉奸何噢喟愈

更呼相簸蕩交斫雙缺鬻火發激鎰腥血漂騰足滑愈

飛猱無整陣翩鶻有邪夏江倒沸鯨鯢山搖潰羆猱愈

中離分二三外變迷七八逆頸盡徽索仇頭恣髡簡怒

鬚猶鬚鬚斷臂仍瓢瓠愈石潛設竒伏穴覩騁精察中

矢類妖慘跳鋒狀驚豹踰翻聚林嶺斗起成埃坵郊旆

亡多空杠軸折鮮聯轄剝膚泱瘡痍敗面碎剝剝渾奔

肆狂勦捷竄脫趨點巖鈎踔狙援水澆雜鱣蝟投奔鬧

碯礫填隍儼僂倚愈強睛死不閉獷眼困逾眈熱堞熯

歎嬉抉門呀拗闔天刀封未坼首膽懾前握跼梁排郁

縮闖竇楔窰窰迫骨聞雜驅咿叻叫冤跣郊窮區指清

夷兇部坐雕鍛邛文裁斐奩巴豔妝媼媼椎肥牛呼牟

載實駝鳴圓聖靈閔頑嚚燾養均草蔡下書過雄虺解

罪弔攀瞎

愈

戰血時銷洗劍霜夜清刮漢棧罷竄闐獠

江息澎汜戍寒絕朝乘刁暗歇宵答始去杏飛蓬及歸

柳嘶虫廟獻繁馘級樂聲洞控揭

郊

臺圖煥丹玄郊告

儼匏稽念齒慰徽薰視傷悼癩疤休輸任訛寢報力厚

麩秬公歡鐘晨撞室宴絲曉拈杯盃酬酒醪箱篋饋巾

昧小臣昧戎經維用贊勲劼

愈

同宿聯句

愈 孟郊

自從別君來遠出遭巧譖愈斑斑落春淚浩浩浮秋浸

郊毛竒觀象犀羽怪見鵬鴆愈朝行多危棧夜卧饒驚

枕郊生榮今分踰死棄昔情任愈鵝行參綺陌雞唱聞

清禁郊山晴拍高標槐密鶩長蔭愈直辭一以薦巧舌

千皆矜郊匡鼎惟說詩桓譚不讀讖愈逸韻何嘈噉高

名俟沽賃郊紛葩歡屢填曠朗憂早滲愈為君開酒腸

顛倒舞相飲郊曦光霽曙物景曜鏘宵侵愈儒門雖大

啓奸首不敢闖義泉雖至近盜索不敢沁清琴試一揮  
白鶴叫相暗欲知心同樂雙繭抽作絳郊

莎柵聯句

愈 孟郊

冰溪時咽絕風樞方軒舉愈 此處不斷腸定知無斷處

郊

雨中寄孟刑部幾道聯句

愈 孟郊

秋潦淹轍迹高居限參拜愈耿耿蓄良思遙遙仰嘉話

郊一晨長隔歲百步遠殊界愈商聽饒清聳悶懷空抑

噫郊羨君知道腴逸步謝天械愈吟馨鏢紛雜抱照瑩

疑怪郊撞宏聲不掉輪邈瀾逾殺愈檐瀉碎江喧街流

淺溪邁郊念初相遭逢幸免因媒介祛煩類決癰愜興

劇爬疥研文較幽玄呼博騁雄快今君軺方馳伊我羽

已鍛溫存感深惠琢切奉明誠愈迨茲更凝情暫阻若

嬰瘵欲知相從盡靈珀拾纖芥欲知相益多神藥銷宿

德德符仙山岸永立難敵壞氣涵秋天河有朗無驚泚  
郊祥鳳遺蒿鷄雲韶掩夷靺爭名求鵠徒騰口甚蟬喝  
未來聲已赫始鼓敵前敗鬪場再鳴先遐路一飛屆東  
野繼竒躅修綸懸衆牒穿空細丘垤照日晒管蒯愈小  
生何足道積慎如觸蠶惜惜抱所諾翼翼自申戒聖書  
空勘讀盜食敢求嘍惟當騎款段豈望覲珪玠弱操媿  
筠杉微芳比蕭齋何以驗高明柔中有剛夫郊

遠遊聯句

愈 孟郊 李翱

別腸車輪轉一日一萬周郊離思春冰泮瀾漫不可收

愈馳光忽以迫飛轡誰能留郊取之詎灼灼此去信悠

悠翱楚客宿江上夜魂棲浪頭曉日生遠岸水芳綴孤

舟村飲泊好木野蔬拾新柔獨含悽悽別中結鬱鬱愁

人憶舊行樂鳥吟新得儔郊靈瑟時宵宵露援夜啾啾

憤濤氣尚盛恨竹淚空幽長懷絕無已多感良自尤即

路涉獻歲歸期眇涼秋兩歡日牢落孤悲坐綢繆愈觀

怪忽蕩漾叩竒獨冥搜海鯨吞明月浪島沒大漚我有

一寸鉤欲釣千丈流良知忽然遠壯志鬱無抽郊魍魎

暫出沒蛟螭互蟠踞昌言拜舜禹舉颯凌斗牛懷糈餽

賢屈乘桴追聖丘飄然天外步豈甯區中囚愈楚些待

誰弔賈辭緘恨投翳明弗可曉祕魂安所求氣毒放逐

域蓼雜芳菲疇當春忽淒涼不枯亦颺颺絡誑衆猥款

巴語相咿嘍默誓去外俗嘉願還中州江生行既樂躬

輦自相勸飲醇趣明代味腥謝荒陬郊馳深鼓利楫趨

險驚蜚輜繫石沈  
斬尚開弓射鵝  
戛路暗執屏翳波驚  
戮陽侯廣泛信縹緲  
高行恣浮游外患蕭蕭去  
中悒稍  
稍瘳振衣造雲闕  
跪坐陳清猷德風變讒巧  
仁氣銷戈  
矛名聲照西海  
淑問無時休  
歸哉孟夫子  
歸去無夷猶

愈

晚秋郾城夜會聯句

愈 李正封

從軍古云樂  
談笑青油幕  
燈明夜觀棊  
月暗秋城柝

正封

上中 丞 羈客方寂歷驚鳥時  
落泊語闌壯氣衰酒醒寒砧

作愈奉過主貴陳力夷凶匪兼弱百牢  
搗輿師千戶賄

首惡正封平生恥論兵末暮不輕諾  
徒然感恩義誰復

論勲爵愈多士被霑汚小夷施毒蠱  
何當鑄劔戟相與

歸臺閣正封室婦歎鳴鶴家人祝喜鵲  
終朝考著龜何

日親烝祔愈間使斷津梁潛軍索林薄  
紅塵羽書靖大

水沙囊涸正封銘山子所工插羽余何怍  
未足煩刀俎

祇應輸管鑰愈雨矢逐天狼電矛驅海若  
靈誅固無縱

力戰誰敢却

正封

峨峨雲梯翔赫赫火箭著連空墮雉

堞照夜焚城郭

愈

軍門宣一令廟算建三略雷鼓揭千

槍浮橋交萬筴

正封

蹂野馬雲騰映原旗火鑠疲氓墜

將捽殘虜狂可縛

愈

摧鋒若貙兕超乘如猱攫逢掖服

翻慙縵胡纓可愕

正封

星隕聞鳩雉師興隨唳鶴虎豹

貪犬羊鷹鷂憎烏雀

愈

燒波除積聚灌壘失依託憑軾

諭昏迷執爨征暴虐

正封

倉空戰卒飢月黑探兵錯兇

徒更蹈藉逆族相啗嚼

愈

軸轡亘淮泗旌旆連夏鄂大

野縱氏羗長河浴駟駘

正封

東西競角逐遠近施繒繳

人怨童聚謠天殃鬼行虐

愈

漢刑支郡黜周制開田削

侯社退無功鬼薪懲不恪

正封

余雖司斧鑕情本尚叩

壑且待獻俘囚終當返耕獲

愈

藁街陳鈇鉞桃塞興錢

鎛地理畫封疆天文婦寥廓

正封

天子憫瘡痍將軍禁

鹵掠策勲封龍額歸獸獲麟脚

愈

詰誅故王怒給復哀

人瘼澤髮解兜鍪酖顏傾鑿落

正封

安存惟恐晚洗雪

不論昨暮烏已安巢春蠶看滿箔

愈

聲明動朝闕光寵

耀京洛旁午降絲綸中堅擁鼓鐸

正封

密坐列珠翠高

門塗粉履跋朝賀書飛塞路歸鞍躍

愈

魏闕橫雲漢秦

關東巖萼拜迎羅縵鞬問遺結囊橐

正封

江淮永清晏

宇宙重開拓是日號升平此年名作噩

愈

洪赦方下究

武旄亦旁魄南據定蠻陬北攬空朔漠

正封

儒生愜教

化武士猛刺斫吾相兩優游他人雙落莫

愈

印從負鼎

佩門為登壇鑿再入更顯巖九遷彌塞諤

正封

賓筵盡

狐趙導騎多衛霍國史擅芬芳宮娃分綽約

愈

丹掖列

鷓鴣洪爐衣狐貉摛文揮月毫講劍淬霜鏑

正封

命衣

備藻火賜樂兼拊搏兩廂鋪璣璣五鼎調勺藥

愈

帶垂

蒼玉佩轡感黃金絡誘接喻登龍趨馳狀傾藿

正封

青

娥翳長袖紅頰吹鳴籥儻不忍辛勤何由恣歡謔

愈

惟

當早富貴豈得暫寂寞但擲雀笑金仍祈却老藥

正封

歿廟配尊學生堂合鶯鑄安行庇松篁高卧枕莞弱

愈

洗沐恣蘭芷割烹厭脾臆喜顏非忸怩達志無隕穫

正封

談諧酒席展慷慨戎裝著斬馬祭旄纛魚羔禮芒屨

愈

山多離隱豹野有求仲蠖推選閱羣材薦延搜一鷄

正封

左右供諂譽親交獻諛噓名聲載揄揚權勢實熏灼

愈

道舊生感激當歌發酬酢羣孫輕綺紉下客豐醴酪

正封

窮天貢琛異市海賜酺醪作樂鼓還槌從禽弓始彊

愈

取歡移日飲求勝通宵博五白氣爭呼六竒心運度

正封

恩澤誠布濩囂頑已蕭勺告成上云亭考古垂矩矱

愈

前堂清夜吹東第良晨酌池蓮拆秋房院竹飜夏籜

正封

五狩朝恒岱三畋宿楊柞農書乍討論馬法長懸格

愈

雪下收新息陽生過京索爾牛時寢訛我僕或歌罟正封  
帝載彌天地臣辭劣螢燭為詩安能詳庶用存糟粕愈

石鼎聯句

有序

元和七年十二月四日衡山道士軒轅彌明自衡  
山來舊與劉師服進士衡湘中相識將過太白知  
師服在京夜抵其居宿有校書郎侯喜新有能詩  
聲夜與劉說詩彌明在其側貌極醜白鬚黑面長  
頸而高結喉中又作楚語喜視之若無人彌明忽

軒衣張耆指爐中石鼎謂喜曰子云能詩能與我  
賦此乎劉往見衡湘間人說云年九十餘矣解捕  
逐鬼物拘囚螭蛟虎豹不知其實能否也見其老  
頗貌敬之不知其有文也聞此說大喜即援筆題  
其首兩句次傳於喜喜踊躍即綴其下云云道士  
啞然笑曰子詩如是而已乎即袖手聳肩倚北牆  
坐謂劉曰吾不解世俗書子為我書因高吟曰龍  
頭縮菌蠢豕腹漲彭亨初不似經意詩旨有似譏

喜二子相顧慙駭欲以多窮之即又為傳之喜喜  
思益苦務欲歷道士每營度欲出口吻聲鳴益悲  
操筆欲書將下復止竟亦不能奇也畢即傳道士  
道士高踞大唱曰劉把筆吾詩云云其不用意而  
功益奇不可附說語皆侵劉侯喜益忌之劉與侯  
皆已賦十餘韻彌明應之如響皆脫穎含譏諷夜  
盡三更二子思竭不能續因起謝曰尊師非世人  
也某伏矣願為弟子不敢更論詩道士奮曰不然

章不可不成也又謂劉曰把筆來吾與汝就之即  
又唱出四十字為八句書訖使讀讀畢謂二子曰  
章不已就乎二子齊應曰就矣道士曰此皆不足  
與語此寧為文邪吾就子所能而作耳非吾之所  
學於師而能者也吾所能者子皆不足以聞也獨  
文乎哉吾語亦不當聞也吾閉口矣二子大懼皆  
起立牀下拜曰不敢他有問也願聞一言而已先  
生稱吾不解人間書敢問解何書請聞此而已道

士寂然若無聞也累問不應二子不自得即退就  
座道士倚牆睡鼻息如雷鳴二子怛然失色不敢  
喘斯須曙鼓鼙鼙二子亦困遂坐睡及覺日已上  
驚顧覓道士不見即問童奴曰天且明道士起  
出門若將便旋然奴怪久不返即出到門覓無有  
也二子驚惋自責若有失者間遂詣余言余不能  
識其何道士也嘗聞有隱君子彌明豈其人邪韓  
愈序

劉師服

進士

侯喜

字叔退登貞元進士  
第官終國子主簿

軒轅彌明

巧匠斲山骨刻中事煎烹

師服

直柄未當權塞口且吞

聲

喜龍頭縮菌蠢豕腹漲彭亨

彌明

外苞乾蘚文中有

暗浪驚

師服

在冷足自安遭焚意彌貞

喜

謬當鼎鼐間

妄使水火爭

彌明

大似烈士膽圓如戰馬纓

師服

上比

香爐尖下與鏡面平

喜

秋瓜未落蒂凍芋強抽萌

彌明

一塊元氣閉細泉幽竇傾

師服

不值輸寫處馬知懷抱

清

喜

方當洪爐然益見小器盈

彌明

眈眈無刃迹團團

類天成

師服

送疑龜負圖出曝曉正晴

喜

旁有雙耳穿

上有孤髻撐或訝短尾鈿又似無足鐙

師服

可惜寒食

毬擲此傍路坑

喜

何當出灰地無計離併罌

彌明

陋質

荷斟酌狹中媿提擎

師服

豈能煮仙藥但未汗羊羹

喜

形模婦女笑度量兒童輕

彌明

徒示堅重性不過升合

盛

師服

傍似廢轂仰側見折軸橫

喜

時於蚯蚓竅微作

蒼蠅鳴

彌明

以茲翻溢愆實負任使誠

師服

常居顧盼

地敢有漏泄情

喜

寧依暖熱弊不與寒涼并

彌明

區區

徒自效瑣瑣不足呈

喜

回旋但兀兀開闔惟慳慳

師服

全勝瑚璉貴空有口傳名豈比俎豆古不為手所揜磨  
龔去圭角浸潤著光精願君莫嘲誚此物方施行

彌明

孟郊

有所思聯句

郊 韓愈

相思繞我心 日夕千萬重 年光坐婉婉 春淚銷顏容

郊

臺鏡晦舊暉庭草滋深茸望夫山上石別劒水中龍愈

遣興聯句

郊 韓愈

我心隨月光寫君庭中央郊月光有時晦我心安所忘

愈常恐金石契斷為相思腸郊平生無百歲岐路有四

方愈四方各異俗適異非所將郊駑蹄顧挫秣逸翮遺

稻梁愈時危抱獨沈道泰懷同翔郊獨居久寂默相顧

聊慨慷愈慨慷丈夫志可以曜鋒鉞郊蓬甯知卷舒孔

顏識行藏愈 殷鑒諒不遠 佩蘭永芬芳郊 苟無夫子聽

誰使知音揚愈

贈劔客李園聯句

郊 韓愈

天地有靈術得之者惟君郊 築爐地區外積火燒氛氲

愈 照海鑠幽怪滿空歎異氛郊 山磨電奕奕水淬龍螭

螭愈 太一裝以寶列仙篆其文郊 可用懾百神豈惟壯

三軍愈 有時幽匣吟忽似深潭聞郊 風胡久已死此劔

將誰分愈行當獻天子然後致殊勲郊豈如豐城下空

有斗間雲愈

賈島

過海聯句

島 高麗使

沙鳥浮還沒山雲斷復連高麗使權穿波底月船壓水

中天島

御定全唐詩卷七百九十一

欽定四庫全書

集部

御定全唐詩卷七百九十二至五

詳校官庶吉士<sub>臣</sub>何道沖

主事銜<sub>臣</sub>徐以坤覆勘

總校官知縣<sub>臣</sub>繆琪

校對官中書<sub>臣</sub>金光悌

謄錄監生<sub>臣</sub>馮堪

欽定四庫全書

御定全唐詩卷七百九十二

聯句

張祐

妓席與杜牧之同詠

祐 杜牧

散子逡巡裏手拈無因得見玉纖纖牧但知報道金釵

落髻鬢還應露指尖祐

杜牧

同趙二十二訪張明府郊居聯句

牧 趙嘏

陶潛官罷酒餅空門掩楊花一夜風

牧

古調詩吟山色

裏無弦琴在月明中

嘏

遠檐高樹宜幽鳥出岫孤雲逐

晚虹

牧

別後東籬數枝菊不知閑醉與誰同

嘏

段成式

遊長安諸寺聯句

并序

武宗癸亥三年夏予與張君希復善繼同官祕書  
鄭君符夢復連職仙局會假日遊大興善寺因問  
兩京雜記及遊日記多所遺略乃約一旬尋兩街  
寺以街東興善為首二記所不具則別錄之遊及  
慈恩初知官將并寺僧衆草草乃泛問一二上人  
及記塔下畫跡遊於此遂絕後三年予職於京洛  
及刺安成至大中七年歸京在外六甲子所留書  
籍揃壞居半於故簡中覩與二亡友遊寺瀝血淚

交當時造適樂事邈不可追復方刊整才足續穿  
蠹然十七五六矣

靖恭坊大興善寺

寺取大興兩字坊名一字為名新記云優填像總章

初為火所燒據梁時西域優填在荊州言隋自臺城移來此寺非也今又有梅檀像開目其工頗拙尤差謬矣不空三藏塔前多老松歲旱則官伐其枝為龍骨以祈雨蓋三藏役龍意其木必有靈也東廊之南素和尚院庭有青桐四株素之手植元和中卿相遊此院桐至夏有汗汙人衣如輟脂不可澣昭國東門鄭相嘗與丞即數人避暑惡其汗謂素曰弟子為和尚伐此木各植一松也及暮素戲祝木曰我植汝二十餘年汝以汗為人

所惡來歲若復有汗我必薪汝自是無汗實  
歷時予見說已十五年無汗矣素公不出院  
轉法華經三萬七千部夜常有貉子聽經齋  
時鳥鵲就掌取食長慶初庭前牡丹一朵合  
歡有僧玄幽題此院詩警句云三萬蓮經三  
十春半生不闢院門塵 左顧蛤像舊傳云  
隋帝嗜蛤所食必兼蛤味數逾千萬矣忽有  
一蛤椎擊如舊帝異之冥諸几上一夜有光  
及明肉自脫中有一佛二菩薩  
像帝悲悔誓不食蛤非陳宣帝

### 老松青桐聯二十字絕句

成式

張希復

鄭符

字夢復官  
校書郎

有松堪繫馬遇鉢更投鉢記得湯師句高禪助朗吟

成式

乘晴入精舍語默想東林盡是忘機侶誰驚息影禽

希復

一雨微塵盡支郎許數過方同躡蒼苔不用算多羅

符

蛤像聯二十字絕句

成式 張希復

相好全如梵端倪為隋寧同蚌頑惡但與鷓相持

成式

雖因雀變化不逐月虧盈縱有天中匠神工詎可成

希復

聖柱聯句

上有鐵索跡

成式 張希復

天心惟助善聖跡此開陽

成式

載恐雷輪重絙疑電索

長希復

上衝挾蠅螋不動東銀鐺

成式

飢鳥未曾啄垂

龍寧敢藏

希復

長樂坊安國寺

紅樓睿宗在藩時舞榭東禪院亦曰木塔院院門西北廊

五壁吳道子弟子釋思道畫釋梵八部不施

彩色尚有典刑禪師法空影堂世號吉州

空者久養一騾將終鳴走而死有弟子允嵩

患風常於空室理一柱鏢之僧難輒愈佛

殿開元初明皇拆寢室施之當陽彌勒法空

自光明寺移來建都時此像在村蘭若中往

往放光因號光明寺寺在懷遠坊後為延火

所燒唯像獨存法空初移像時索大如虎口

數十牛曳之索斷不動法空執爐依法作禮  
九拜泣涕發誓像身忽曝曝作聲身迸分為  
數十段不終日移至寺焉 利涉塑堂元和  
中取其處聖容院遷像廡下上忽夢一僧形  
容竒偉訴曰暴露數日豈聖君意耶及明駕  
幸驗問如夢即令移就堂中側施帷帳 光  
明寺中鬼子母及文惠太子塑像舉止態度  
如生工名李岫 山庭院古木崇阜幽若山  
谷當時輦土營之 上座璘公院  
有穗柏一株衢柯覆下坐十餘人

紅樓聯句

德侯體

成式 張希復

重疊碎晴空餘霞更照紅蟬蹤近鵝鵲鳥道接相風  
希復

苔靜金輪路雲輕白日宮

元和帝幸此宮

壁詩傳謝客

詞人陳至

題此院詩云藻井尚寒龍跡在紅樓初起日光通

門榜占休公

廣宣上人住此院有詩名時號

紅樓集

成式

穗柏聯句

成式 張希復

一院暑難侵莓苔共影深標枝爭息鳥餘吹正開襟

成式

宿雨香添色殘陽石在陰乘閑動詩意助靜入禪心

希復

題璘公院

一言至七言每人占兩題

成式 鄭符

靜虛熱際安居

符

龕燈斂印香除東林賓客西澗圖書

檐外垂青豆經中發白菓縱辯宗因袞袞忘言理事如

如竟成式

泉臺定將入流否鄰笛足疑清梵餘

成式新度

常樂坊趙景公寺

隋開皇三年置本曰弘善寺十八年改焉南中三門

裏東壁上吳道玄白畫地獄變筆力勁怒變狀陰怪觀之不覺毛戴吳畫中得意處三階院西廊下范長壽畫西方變及十六對觀寶池尤妙絕諦視之覺水入浮壁院門上白畫樹石頗似閻立德余攜立天祠粉本驗之無異之西中三門裏門南吳生畫龍及刷天王

鬚筆蹟如鐵有執  
爐天女竊眸欲語

吳畫聯句

成式 張希復 鄭符 昇上人

慘澹十堵內吳生縱狂跡風雲將逼人神鬼如脫壁

成式

其中龍最怪張甲方汗栗黑雲夜窸窣焉知不霹靂

希復

此際忽仙子獵獵衣鳥奕妙瞬乍疑生參差奪人魄

符

往往乘猛虎衝梁聳竒石蒼峭束高泉角膝驚欹側

成式

冥獄不可視毛戴腋流液苟能水成河刹那沈火宅

昇

人

題約公院

成式 張希復 鄭符 昇上人

印火熒熒燈續燄青希復七俱胝咒四阿含經成式各

錄佳語聊事素屏符丈室安居延賓不扃昇上人

大同坊雲華寺大歷初僧儼講經天雨花至地只尺而滅夜有光燭室較

改為雲華儼即康藏之師也康本住恭靖里 曲忽觀光如輪衆人皆見遂尋光至儼講

經所滅佛殿西廊立高僧一十六身天寶初自 南內移來畫跡拙俗觀音堂在寺西北隅建

中末百姓屈嚴患瘡且死夢一菩薩摩其瘡  
曰我住雲華寺嚴驚覺汗流數日而愈因詣  
寺尋檢至聖畫堂見菩薩一如其觀  
頤城百姓瞻禮嚴遂立社建堂移之

偶聯句

成式 鄭符 張希復 昇上人

共入夕陽寺因窺甘露門昇上人清香惹苔蘚忍草雜蘭

蓀符捷偈飛鉗峇新詩倚杖論成式壞幡標古刹聖畫

煥崇垣希復豈慕穿籠鳥難防在牖猿成式一音唯一

性三語更三幡希復

道政坊寶應寺

韓幹藍田人少時常為酒家送酒王右丞兄弟未過每貫

酒漫遊幹常徵債於王家乃戲畫地為人馬右丞精思丹青奇其意趣乃歲與錢二萬令學畫十餘年今寺中釋梵天女悉齊公妓小等寫真也寺有韓幹畫下生彌勒衣紫袈裟右邊仰面菩薩及二師子尤入神又有舊鐵石及齊公裝一歲子漆之如羅睺羅每盆供日出之寺中彌勒殿齊公寢堂也東廊北面楊岫之畫鬼神齊公嫌其筆蹟不工故止

一堵

僧房聯句

成式 張希復

古畫思匡嶺上方疑傳巖蝶閑移忍草蟬曉揭高杉成式

香字消芝印金經發菡函井通松底脈書坼洞中緘希復

小小寫真聯句

成式 鄭符 張希復

如生小小真猶自未棲塵符 褕袂將離座斜柯欲近人

成式 昔時知出衆情寵占橫陳希復 不遣遊張巷豈教

窺宋鄰符 庾樓吹笛裂弘閣賞歌新蟬怯纖腰步蛾驚

半額頰希復 圖形誰有術買笑詎辭貧成式 複隴迷村

徑重泉隔漢津

符

同心知作羽比目定為鱗

希復

殘月

巫山夕餘霞洛浦晨

成式

平康坊菩薩寺

佛殿東西障日及諸柱上圖畫是東廊舊蹟鄭法士畫開

元中因屋壞移入大佛殿內北壁食堂前東壁上吳道玄畫智度論色偈變偈是吳自題筆蹟道勁如磔鬼神毛髮次堵畫禮骨仙人天衣飛揚滿壁風動佛殿內後壁吳道子畫消災經事樹石古嶮元和中上欲令移之慮其摧壞乃下詔擇畫手寫進佛殿內槽壁維摩變舍利弗角膝而轉元和末俗講僧文淑裝之筆蹟盡矣故興元鄭公尚書題此壁僧院詩曰但慮彩色汙無虞臂胛肥置寺碑陰雕飾奇巧相傳鄭法士所起樣也初會覺上

人以利施起宅十餘畝工畢釀酒百石列餅  
甕於兩廊下引吳道玄觀之因謂曰檀越為  
我畫以是賞之吳生嗜酒且利賞欣然而許  
予以蹤跡似不及景公寺畫中三門內東門  
神善繼云是吳生弟子王耐兒之手也

### 書事聯句

成式 鄭符 張希復 昇上人

悉為無事者任被俗流憎符客異干時客僧非出院僧

成式 遠聞疎牖磬曉辨密龕燈希復 步觸珠璫響吟窺

鉢水澄符 句饒方外趣遊愜社中朋成式 靜裏已馴鴿

齋中亦好鷹

希復

金漆筆是聚彩溜紙非繒

昇上人

錫杖

已剋鍛田衣從壞膝

成式

占牀暫一臂卷箔賴長肱

希復

佛日初開照魔天破幾層

成式

咒中陳秘計論處正先

登

希復

勇帶綻鍼石危防丘井藤

昇上人

光宅坊光宅寺

本官蒲萄園中禪師影堂師號惠中肅宗上元二年徵至京師

初居此寺語云杖錫而來京師非遠齋心已久副朕虛懷

中禪師影堂聯句

成式 張希復 鄭符 昇上人

名下固無虛教曹貌巖毅洞達見空王圓融入佛地

復希

一言當要害忽忽醒諸醉不動須彌山多方辯無匱

符

坦率對萬乘偈答無所避爾如毘沙門外形如脫履

成式

但以理為量不語怪力事木石摧貢高慈悲引貪恚

上昇

人當時乏支許何人契深致隨宜詎說三直下開不二

成式

翊善坊保壽寺

本高力士宅天寶九載舍為寺初鑄鐘成力士設齋慶之

舉朝畢至一擊百千有規其意連擊二十杵  
經藏閣規創危巧二塔火珠受十餘斛河陽

從事李泳性好竒古與僧智增善嘗俱至此寺觀庫中舊物忽於破瓮中得物如被幅裂汗盆觸而塵起泳徐視之乃畫也因以州縣圖三及纁三十獲之令家人裝治之大十餘幅訪於常侍柳公權方知張萱所畫石橋圖也玄宗賜高力士因留寺中後為鬻畫人宗牧言於左軍尋有小使領軍卒數十人至宅宣敕取之即日進入先帝好古見之大悅命張於盧韶院寺見有先天菩薩幀本起成都妙積寺開元初有尼魏八師者常念大悲咒雙流縣民劉乙名意兒年十一自欲事魏尼遣之不去常於奧室立禪白魏云先天菩薩見身此地節灰於庭一夕有巨跡數尺輪理成就因謁畫工隨意設色悉不如意有僧楊法成自言能畫意兒常合掌瞻仰然後指授之以近十稔工方就後塑先天菩薩凡二百

四十二首首如塔勢分臂如意蔓其膀子有一百四十日鳥樹一鳳四翅水肚樹所題深怪不可詳悉畫樣凡十五卷柳七師者崔寧之甥分三卷往上都流行時魏奉古為長史進之後因四月八日賜高力士今成都者是其次本

先天憤讚聯句

成式 張希復 鄭符

觀音化身厥形孔怪胞腦淫厲眾魔膜拜希復拍夢鴻

紛榜列區界其事明張何不可解成式閻阿德川大士

先天眾象參羅福源田符百億花發百千燈然膠如

終澤浩汗連絲

希復

燄摩界戚洛迦苦霽正念皈依衆

青如慧

成式

戾滓可汰癡膜可蛻稽首如空辟容若睇

希復

闡提墨師覩而面之寸念不生未遇乎而

成式

宣陽坊靜域寺

本太穆皇后宅僧寺云三階院門外是神堯皇帝射孔雀

處禪門內外遊目記云王昭隱畫門西裏面和修吉龍王有靈門外之西大目藥又及北

方天王甚奇猛門東裏面賢門也野又部落鬼首上蟠蛇汗煙可懼東廊樹石嶮怪高僧

亦怪西廊萬菩薩院門裏南壁皇甫軫畫鬼神及鵬形勢若脫軫與吳道玄同時吳以其

藝逼已募人殺之萬菩薩堂內有寶塔以小金銅塔數百飾之大歷中將作劉監有子合

手出胎七歲念法華經及卒焚之得舍利數十粒分藏於金銅塔中善繼云合是劉銛佛殿東廊有古佛堂其地本雍村堂中像設悉是石作相傳云隋恭帝終此堂

### 三階院聯句

成式 張希復 鄭符

密密助堂堂隋人歌繁桑雙弧摧孔雀一矢隕貪狼

成式

百步望雲立九規看月張獲蛟徒破浪中乙漫如墻

希復

還似貫金鼓更疑穿石梁因添挽河力為滅射天狂

成式

絕藝却南牧英聲來鬼方麗龜何足敵殪豕未為長

符

龍臂勝猿臂星芒超箭芒虛誇絕高鳥垂拱議明堂

成式

崇義坊招福院

本曰正覺國初毀以其地立第賜諸王睿宗在藩居之乾

封二年移長寧公主佛堂於此重建此寺

贈諸上人聯句

成式 張希復

翻了西天偈燒餘梵宇香燃眉愁俗客支頰背殘陽

成式

洲號惟思沃山名祇記匡辨中推世智定裏破魔強

希復

許叡禪心徹湯休詩思長朗吟疎磬斷久語貫珠妨

成式

乘興書芭葉閑來入豆房漫題存古壁怪畫匝長廊

希復

招國坊崇濟寺

寺內有天后織成蛟龍披襖子及繡衣六事東廊從南第二院

有宣律師製袈裟堂曼殊堂有松數株甚奇

奇松聯二十字絕句

成式 張希復 鄭符 昇上人

杉松何相疎榆柳方迴屑無人擅談柄一枝不敢折

成式

中庭苔蘚深吹餘鳴佛龕至於摧折枝凡草猶避陰

希復

僻徑根從露閑房枝任侵一株風正好來助碧雲吟

符

時時埽窗聲重露滴寒砌風颭一枝道閑窺別生勢昇  
人偃蓋入樓妨盤根侵井窄高僧獨惆悵為與澄嵐隔  
成式

永安坊永壽寺

三門東吳道子畫似不得意佛殿名會仙本是內中梳洗殿貞

元中有証智禪師往往靈驗或時在張擯蘭中若治田及夜歸寺若在金山界相去七百里

閒中好

成式 鄭符 張希復

閒中好盡日松為侶此趣人不知輕風度僧語符閒中

好塵務不縈心坐對當窗木看移三面陰成式閒中好

幽磬度聲遲卷上論題肇畫中僧姓支希復

崇仁坊資聖寺

淨土院門外相傳吳生一夕秉燭醉畫就中戟手視之惡

駭院門裏盧稜迦常學吳勢吳亦授以手訣乃畫總持三門寺方半吳大賞之謂人曰稜伽不得心訣用思太苦其能久乎畫畢而卒中門窗間吳畫高僧韋述贊李巖書中三門外兩面上層不知何人畫人物頗類閻令寺西廊北隅楊坦畫近塔天女明睇將瞬團塔院北堂有鐵觀音高三丈餘觀音院兩廊四十二賢聖韓幹畫元中書贊東廊北頭散馬不意見者如將嘶蹠聖僧中龍樹商那和修絕妙團塔上菩薩李真畫四面花鳥邊鶯畫

樂師菩薩頂上莪葵尤佳  
塔中藏千部妙法蓮華經

諸畫聯句

柏梁體

成式

張希復

鄭符

吳生畫勇矛戟攢

成式

出變奇勢千萬端

希復

蒼蒼鬼

怪層壁寬

符

覩之忽忽毛髮寒

成式

稜伽之力所疲殫

成式

李真周昉優劣難

符

活禽生卉推邊鸞

成式

花房

嫩彩猶未乾

希復

韓幹變態如激湍

符

惜哉壁畫世未

殫後人新畫何汗漫

希復



御定全唐詩卷七百九十二

欽定四庫全書

御定全唐詩卷七百九十三

聯句

皮日休

北禪院避暑聯句

院昔為戴顓宅後  
司勳陸卽中居之

日休 陸龜蒙

歎蒸何處避來入戴顓宅逍遙脫單絛放曠拋輕策爬  
搔林下風偃仰澗中石

日休

殘蟬煙外響野鶴沙中跡

到此失煩襟蕭然揖禪伯藤懸疊霜蛻桂倚支雲錫

龜蒙

清陰豎毛髮爽氣舒筋脈逐幽隨竹書選勝鋪菰席魚

跳上紫芡蝶化緣青壁

日休

心是玉蓮徒耳為金磬敵

吾宗昔高尚志在羲皇易豈獨斷韋編幾將刊鐵摺

龜蒙

天書既屢降野抱難自適一入承明廬盱衡論今昔流

光不容寸斯道甘枉尺

日休

既起謝儒玄亦翻商羽翼

封章帷幄徧夢寐江湖白擺落函谷塵高歌華陽憤

龜蒙

詔去雲無信歸來鶴相識半病奪牛公全慵捕魚客少

微光一點落此芒磔索

日休

釋子問池塘門人廢幽蹟

堪悲東序寶忽變西方籍不見步兵詩空懷康樂屐

龜蒙

高名不可效勝境徒堪惜墨沼轉疎蕪玄齋踰闕寂遲

遲不可去涼颺滿杉柏

日休

日下洲島清煙生苾芻碧

俱懷出塵想共有吟詩癖終與淨名遊還來雪山覓

龜蒙

寂上人院聯句

日休 陸龜蒙

瘦牀空默坐清景不知斜暗數菩提子閑看薜荔花

日休

有情惟墨客無語是禪家背日聊依桂嘗泉欲試茶

龜蒙

石形蹲玉虎池影閃金蛇經笥安巖仄餅囊挂樹榭

日休

書傳滄海外龕寄白雲涯竹色寒凌箔燈光靜隔紗

龜蒙

趁幽翻小品透勝講南華莎彩融黃露蓮衣染素霞

日休

水堪傷聚沫風合落天葩若許傳心印何辭古堞賒

龜蒙

獨在開元寺避暑頗懷魯望因飛筆聯句

日休 陸龜蒙

煩暑雖難避僧家自有期泉甘於馬乳苔滑似龍鱗

日休

任誕襟全散臨幽榻旋移松行將雅拜篁陣欲交麾

龜蒙

望塔青髯識登樓白鴿知石經森欲動珠像儼將怡筠

簾臨杉穗紗巾透雨絲靜譚蟬噪少涼步鶴隨遲

日休

煙重迴蕉扇風輕拂桂帷對碑吳地說開卷梵天詞積

水魚梁壞殘花病枕歌懷君瀟灑處孤夢繞呆愚

龜蒙

### 寒夜文宴聯句

日休 張賁 陸龜蒙

文星今夜聚應在斗牛間

日休

載石人方至乘槎客未

還

賁

送觴繁露曲徵句白雲顏

龜蒙

節奏惟聽竹從容

只話山

日休

理窮傾祕藏論猛折玄關

賁

鄙酒分中綠

已箋擘處殷

龜蒙

清言聞後醒強韻壓來艱

日休

犀柄

當風揖瓊枝向月攀

賁

松吟方啾啾泉夢憶潺潺

龜蒙

一會文章草昭明不可刪

日休

藥名聯句

日休

張賁

陸龜蒙

為待防風餅須添薏苡杯

賁

香然柏子後尊泛菊花來

日休

石耳泉能洗垣衣雨為裁

龜蒙

從容犀局靜續斷

玉琴哀

賁

白芷寒猶米青柏醉尚開

日休

馬銜衰草卧

烏啄蠹根迴

龜蒙

雨過蘭芳好霜多桂末摧

賁

朱兒應

作粉雲母詎成灰

日休

藝可屠龍膽家曾近燕胎

龜蒙

牆高牽薜荔障輭撼玫瑰

賁

烏鼠啼書戶蝸牛上研臺

日休

誰能將藁本封與玉泉才

龜蒙

陸龜蒙

寒夜聯句

龜蒙 皮日休

靜境揖神凝 寒華射林缺

龜蒙

清知思緒斷 爽覺心源

徹

日休

高唱夏金奏 朗詠鏗玉節

龜蒙

我思方汰寥 君

詞復淒切

日休

沉聞風篁上 擺落殘凍雪

龜蒙

寂爾萬

籟清皎然 諸靄滅

日休

西窗客無夢 南浦波應結

龜蒙

河光正如劒 月魄方似玦

日休

短燼不禁挑 冷毫看欲

折

龜蒙

何夕重相期 濁醪還為設

日休

開元寺樓看雨聯句

龜蒙 皮日休

海上風雨來掀轟雜飛電登樓一凭檻滿眼蛟龍戰

龜蒙

須臾造化慘倏忽堪輿變萬戶響戈鋌千家披組練

日休

羣飛拋輪石雜下攻城箭點急似摧胃行斜如中面

龜蒙

細灑魂空冷橫飄目能眩垂檐珂珮喧撮瓦珠璣濺

日休

無言九陔遠瞬息馳應徧密處正垂絙微時又懸綫

龜蒙

寫作玉界破吹為羽林旋飜傷列缺勞却怕豐隆倦

日休

送瞻山露色漸覺雲成片遠樹欲鳴蟬深檐尚藏燕

龜蒙

殘雷隱鱗盡反照依微見天光潔似磨湖彩熟於練日休

疎帆逗前渚晚磬分涼殿接思強揮毫窺詞幾焚研龜蒙

佶栗烏皮几輕明白羽扇畢景好疎吟餘涼可清宴日休

君携下高磴僧引還深院駭蘚淨鋪筵低松濕垂鬢龜蒙

齋明乍虛豁林霽逾蔥蒨早晚重登臨欲去多離戀日休

報恩寺南池聯句第四句缺一字  
第八句缺三字

龜蒙

嵩起

失姓

皮日休

古岸涵碧落龜蒙虛軒明素波坐來魚陣變日休吟久

菊 多秋草分杉露

蒿起

危橋下竹坡遠峰青巖竝

龜蒙

頽和趙論寒仍講

日休

支硎僻亦過齋心曾養

鶴

蒿起

揮翰好邀鵝

南峰院即故相國裴公書額

倚石收竒藥

龜蒙

臨溪藉淺莎桂花晴似拭

日休

荷鏡曉如磨翠出牛頭

聳

蒿起

苔深馬跡跛

石上有支公馬跡

織歌從野醉

龜蒙

巾側

任田歌跣趺松形矮

日休

般跚檜樾姓香飛僧印火

蒿起

泉急使鑣珂菱鈿真堪帖

龜蒙

尊絲亦好拖幾時無一

事

日休

相伴著煙蘿

蒿起

安守範

蜀彭州刺史  
安思謙之子

天台禪院聯句

守範

楊鼎夫

定遠  
推官

周述

懷遠軍  
巡官

李

仁肇

著州  
判官

偶到天台院因逢物外僧

守範

忘機同一祖出語離三

乘

鼎夫

樹老中庭寂窗虛外境澄

述

片時松影下聯續

百千燈

仁肇

御定全唐詩卷七百九十三

欽定四庫全書

御定全唐詩卷七百九十四

聯句

清晝

講德聯句

清晝

潘述

湯衡

官評  
事

先王設位以政邦國建立大官封植有德

述

二南敷化

四岳述職其言不朽其儀不忒

衡

暨於嬴劉乃創程式

罷侯置守剖竹分域

畫

赫矣皇唐康哉立極精選藩翰

庸資正直

述

爰命我公東土作則克已恭儉疲人休息

衡

濟濟閭閻油油黍稷既富既教足兵足食

畫

恤其凋

瘵剪其荆棘威懷逋叛撲滅蝥賊

述

疾惡如讐聞善不

惑哀矜鰥寡旌禮儒墨

衡

乃修隄防乃濬溝洫以利通

商以溉嘉穀

畫

徵賦以節計功以時人胥懷惠吏不能

欺

述

我政載孚我邦載綏猛獸不暴嘉魚維滋

衡

肅恭

明神齊沐不虧歲或驕陽雨無愆期

畫

帝嘉有庸寵命

來斯紫紱載綏金章陸離述資忠履孝閱禮敦詩明德

惟馨自天祐之衡

講古文聯句

清畫

潘述

裴濟

字方舟曾為從事

湯衡

帝出於震文明始敷

述

山岳降氣龜龍負圖

濟

爰有書

契乃立典謨

畫

先知孔聖飛步天衢

衡

漢承秦弊尊儒

尚學

述

百氏六經九流七畧

濟

屈宋接武班馬繼作

畫

或頌燕然或贊麟閣

衡

降及三祖始變二雅

述

仲宣閑

和公幹蕭灑

畫

士衡安仁不史不野

畫

左張精奧嵇阮

高寡

衡

暨于江表其文鬱興

衡

綺麗爭發繁蕪則懲

述

詞煜春華思清冬冰

述

景純跌宕遊仙獨步

衡

青雲其

情白璧其句

衡

靈運山水實多竒趣

述

遠派孤峰龍騰

鳳翥

述

陶令田園匠意真直

畫

春柳寒松不凋不飾

畫

江淹雜體方見才力

衡

擬之信工似而不逼

衡

鮑昭從

軍主意危苦

述

氣勝其詞雅愧於古

述

隱侯似病創制

規矩

畫

時見琳琅惜哉榛楛

畫

謝朓秀發詞理翩翩

衡

孤標爽邁深造精研

衡

惠休翰林別白離堅

述

有會必

愜無慚曩賢

述

吳均頗勁失於典裁

畫

竟乏波瀾徒工

邊塞

畫

彼柳吳興高視時輩

衡

汀洲一篇風流寡對

衡

何遜清切所得必新

述

緣情既密象物又真

述

江總徵

正未越常倫

畫

時合風興或無淄磷

畫

二杜繁俗三劉

瑣碎

衡

陳徐之流陰張之輩

衡

伊數公者閩域之外

述

吁此以還有固斯節

述

### 項王古祠聯句

清畫 潘述 湯衡

遺廟風塵積荒途歲月侵述英靈今寂寞容衛尚森沈

畫霸楚志何在平秦功亦深衡諸侯歸復背青史古將

今述星聚分已定天亡力豈任畫采繁如可薦舉酒漑

空林衡

還丹可成詩聯句

清畫 潘述 湯衡

羽化自仙骨延年資養生畫金經啓靈秘玉液流至精

述  
八石思共鍊九丹知可成衡吾心苟無妄神理期合

并畫封竈用六一置門考休京述浮光含日彩圓質煥

雲英衡持此保壽命服之頤性情畫跂予望仙侶高詠

昇天行述鶴駕方可致霓裳定將迎衡不因五色藥安

著七真名畫揮妙在微密全功知感誠述與君棄城市

攜手遊蓬瀛衡

建安寺西院喜王郎中邁恩命初至聯句時郎  
中正

入西方  
道場

清畫

王邁

祠部郎中

齊翔

前吏部郎中  
兼括州刺史

李

縱

駕部員外

崔子向

官御史

跡就空門退官從畫省遷任持良有願朝謁冗無緣

邁

身淨金繩內心馳玉宸前

畫

榮添一兩日恩降九霄年

翔

慕法能輕冕追非欲佩弦

縱

棲閑那可久鴛鴦待行

聯

子向

建安寺夜會對雨懷皇甫侍御曾聯句

清畫 李縱 鄭說 王邁 崔子向

相思非是遠風雨遣情多畫願欲披雲見難堪候曉過

縱夜長同歲月地近極山河說戒相初傳授文章舊切

磋邁時稱洛下詠人許郢中歌子向惆悵徒延首其如

一水何翔

泛長城東溪暝宿崇光寺寄處士陸羽聯句

清畫 崔子向

箬水青似箬玉山碧於玉子向逼霄沓萬狀截地分千

曲畫萍解深可窺林豁遙在矚子向已高物外賞稍滌

區中欲

畫

野鶴翔又飛世人羈且跼

子向

沈吟跡所悞

放浪心自足

畫

緬懷虛舟客願寄生芻束

子向

說詩整

頽波立義激浮俗

畫

荆吳備登歷風土隨編錄

子向

恨

與清景別擬教長路促

畫

溪鳥語鷓鴣嘯寺花翻躑躅

子向

印圍水壇淨香護蓮衣觸

畫

捧經啓紗燈收衽禮金粟

子向

安得扣關子玄言對吾屬

畫

與崔子向泛舟自招橘經箬里宿天居寺憶李

侍御粵渚山春遊後期不及聯一十六韻以寄

之

清畫 崔子向

晴日春態深寄遊恣所適畫寧妨花木亂轉學心耳寂

子向

取性憐鶴高謀閒任山僻畫倚舷息空曲捨履行

淺磧子向

渚箬入里逢野梅到村摘畫碑殘飛雉嶺井

翳潛龍宅

即陳帝宅  
子向

壞寺隣壽陵古壇留劫石畫穿階

筍節露拂瓦松梢碧子向

天界細雲還墻陰雜英積畫

懸燈寄前焰送月昇圓魄子向

何意清夜期坐為高峰

隔

畫

茗園可交袂藤澗好停錫

子向

微雨聽濕巾迸流

從點席

畫

戲猿隔枝透驚鹿逢人躑

子向

覩物賞已奇

感時思彌極

畫

芳菲如馳箭望望共君惜

子向

渚山春暮會顧丞茗舍聯句效小庾體

清畫

陸士修

崔子向

誰是惜暮人相攜送春日因君過茗舍留客開蘭室

士

濕苔滑行屐柔草低藉瑟鵲喜語成雙花狂落非一

子向

煙濃山焙動泉破水舂疾莫拗挂瓢枝會移闌書

帙畫 頗容樵與隱 豈聞禪兼律 欄竹不求疎 網藤從更

密士修 池添逸少墨 園雜莊生漆 景晏枕猶歌 酒醒頭

懶櫛子向 雲教淡機慮 地可遺名實 應待御筭青 幽期

踏芳出畫

與李司直令從荻塘聯句

清畫 李令從司直

畫舸悠悠荻塘路 真僧與我相隨去 寒花似菊不知名

霜葉如楓是何樹令從 倦客經秋夜 共歸情多語 盡明

相顧遙城候騎來，仍少傍嶺哀猿發。無數畫心閑清淨

得禪寂興逸縱橫，問章句蟲聲切切草間悲。螢影紛紛

月前度

令從

撩亂雲峰好賦詩，嬋娟水月堪為喻。與君

出處本不同，從此還依舊山住。畫

遠意聯句

清晝

疾

失姓

澄

失姓

巖伯均

巨川

失姓

家在炎州往朔方

疾

豈知于闐望瀟湘

澄

曾經隴底復

遠陽

巨川

更憶東去採扶桑

畫

植客三千路未央

均燭

龍之地日無光

疾

將遊莽蒼窮大荒

畫

車轍馬足逐周

王均

暗思聯句

清畫

疾

巨川

嚴伯均

從心

失姓

斜風飄雨三十夜

疾

隣女餘光不相借

巨川

跡滅塵生

古人畫

畫

洞房重扉無隙罅

均

燭滅更深月西謝

從心

樂意聯句一首

清畫 均 疾 澄 巨川

良朋益友自遠來均 萬里鄉書對酒開畫 子孫蔓衍負

奇才疾 承顏弄鳥詠南陔澄 鼓腹擊壤歌康哉巨川

恨意聯句

清畫 疾 均 澄 從心 杭失姓

同心同縣不相見疾 獨采靡蕪詠團扇均 莫聽東隣擣

霜練畫 遠憶征人淚如霰澄 長信空階荒草遍從心 明

妃初別昭陽殿杭

秋日盧郎中使君幼平泛舟聯句一首

清畫

盧藻

盧幼平

郎中吳興守

陸羽

潘

述 李恂 鄭述誠

共載清秋客船同瞻皂蓋朝天

藻

悔使比來相得如今

欲別潛然

幼平

漸驚徒馭分散愁望雲山接連

畫

魏闕

馳心日日吳城揮手年年

羽

送遠已傷飛雁裁詩更切

嘶蟬

述

空懷鄆杜心醉永望門欄脰捐

恂

別思無窮無

限還如秋水秋煙

述誠

重聯句一首

清晝 盧幼平 陸羽 潘述 盧藻

惇 失姓

相將惜別且遲遲未到新豐欲醉時 幼平 去郡獨攜程

氏酒入朝可忘習家池 羽 仍憐故吏依依戀自有清光

處處隨 述 晚景南徐何處宿秋風北固不堪辭 晝 吳中

詩酒餽佳興秦地關山引夢思 藻 對酒已傷嘶馬去銜

息只待掃門期 惇

與潘述集湯衡宅懷李司直縱聯句

清畫 湯衡 潘述

幽獨何以慰友人顧茅茨衡已忘歲月念載說清閑時

述旭日舒朱槿柔風引綠蕖畫迢迢青溪路耿耿芳樹

枝衡執袵空躑躅來城自逶迤述相思寄採掇景晏獨

驅馳畫

安吉崔明甫山院聯句一首

清畫

崔逵

安吉令

人不擾政已和世慮寡山情多畫禪客至墨卿過興既

洽情如何達

重聯句一首

清畫 崔達

肅肅清院脩脩碧鮮已見心遠何關地偏畫自公退食

升堂草玄紛紛已隔雲心澹然達

重聯句一首

瀑溜聞窗外晴風逼座間挂冠徒有意芳桂香難攀達

重聯句一首

清畫 崔達

清高素非官侶疎散從來道流今日還輕墨綬知君意

在滄洲

畫

浮雲任從飄蕩寄隱也信沈浮不似漳南地

僻道安為我淹留

達

重聯句一首

清畫 崔達

劉令興多常步履柴桑事少但援琴閑招法侶從山寺

每撥幽芳傍竹林

畫

卷簾只愛荆峰色入座偏宜郢客

吟誰許近來輕印綬因君昨日悟禪心

達

道觀中和潘丞觀青溪圖聯句

清畫 崔萬 潘述

畫得青溪樣宜於紫府觀

畫

日明煙靄薄風落水容寬

萬畫野高低接商工井邑攢

述

疏川因稼穡出使問艱

難 畫

春日對雨聯句一首

清畫

韓章

武康令

春煙帶微雨漠漠連城邑桐葉生微陰桃花更宜濕

章

蕭條暗楊柳散漫下原隰歸路不我從遙心空佇立

畫

林低山影近岸轉水流急芳草自堪遊白雲如可揖

章

尋山禪客意苦雨陶公什遊衍情未終歸飛暮相及

畫

峰高日色轉潭淨天光入却欲學神仙空思謝朋執

章

為道貴逍遙趨時多苦集瓊英若可殮青紫徒勞拾

畫

春日會韓武康章後亭聯句

清畫

韓章

楊秦卿

仲文

失姓

後園堪寄賞日日對春風客位繁陰下公牆細柳中

畫

坐看青嶂遠心與白雲同

章

林暗花煙入池深遠水通

秦卿

井桃新長藥欄藥未成叢

仲文

松竹宜禪客山泉

入謝公

畫

砌香翻芍藥簷靜倚梧桐

章

外慮宜簾卷忘

情與道空

秦卿

楚僧招惠遠蜀客挹揚雄

仲文

便寄柴

桑隱何勞訪剡東

畫

康錄事宅送僧聯句

清畫 崔子向

蓮衣宜著雨竹錫好隨雲畫見鶴還應養逢鷗自作羣

子向

與邢端公李台題庭石聯句

共題詩句遍爭坐蘚文稀畫餘缺

冬日建安寺西院喜畫公自吳興至聯句一首

以下四首附  
見清畫集

王邁 李縱 鄭說 崔子向 齊翔

宗系傳康樂精修學遠公

遺

相尋當暮歲行李犯寒風

縱

累積浮生裏機慙半偈中

說

傳家知業隆繼祖忝聲

同

畫

雲與輕帆至山將本寺空

子向

向來忘記滅留我

宿花宮

翔

秋日潘述自長城至雪上與畫公湯評事遊集

累日時司直李公瑕往蘇州有阻良會因與二

公聯句以寄之

第十句  
缺一字

潘述

清畫

湯衡

離念非前期秋風忽已至

述

芸黃衆芳晚搖蕩居人思

畫白霜淒以積高梧颯而墜

衡

悠然越山川復此恨離

異

述

時景易遷謝懽

難兼遂

畫

惜分緩迴舟懷遙企

歸駟

衡

休澣情自高來思日云未

述

喜畫公尋山迴相遇聯句一首

潘述 清畫

幾年無此會今日喜相從

述

後夏仍多病前書達幾封

畫水華迎暮雨松吹引疎鐘

畫

出谷隨初月尋僧說五

峰述

送畫公聯句

韓章 清畫 顧況

相逢情不厭惜別意難為章吾道應無住前期未可知

畫輕霜凋古木寒水縮荒陂章賓雁依沙嶼浮雲慘路

岐畫林疎者野迴岸轉覺山移章寄賞驚搖落歸心歎

別離畫草堂思偃蹇麈尾去相隨況勿謂光陰遠禪房

會一窺章

鄭遨

與羅隱之聯句

遨 羅隱之

一壺天上有名物兩個世間無事人遨醉却隱之雲叟  
外不知何處是天真隱之

御定全唐詩卷七百九十四